



Este vindeiro **domingo 23 de xuño**, ADEGA-Lugo convídade ao último roteiro deste curso 2012-2013 dedicado á [Galiza Máxica](#) . Visitaremos as terras de Allariz e o ineludíbel lugar de

Santa Mariña de Augas Santas

no que se respira un ambiente máxico e lendario. Tamén coñeceremos o equipamento de interpretación ambiental de O Rexo. A hora de saída será ás 8 da mañá desde Lugo e farase unha parada no lugar de Cambeo para recoller aquelas persoas que queiran vir de Compostela ou doutros lugares máis próximos a este punto. O propósito é regresar a tempo para as fogueiras de San Xoán. Vide con nós a despedir este curso de roteiros por todo o alto!

Consultade e difundide este

[CARTAZ](#)

.

Para máis información sobre os elementos a visitar, premede [+INFO](#) .

O punto de saída do roteiro será o Centro de Interpretación Ambiental do Rexo. Neste lugar destaca a intervención na propia natureza do artista Ibarrola, así como tamén unha explotación de leite ovino para a produción de queixo. Despois de cruzar o Río Arnoia, e avanzar por fermosas paisaxes rurais, chegarase a Santa Mariña de Augas Santas. Xantarase preto das fontes do Martirio, aproveitando para comentar a lenda da Santa, así como coñecer outros elementos históricos e artísticos deste fermoso lugar. Remataremos cun roteiro etnográfico-arqueolóxico polo entorno do castro de Armeá, visitando a cripta da Igrexa da Ascensión, onde segundo a lenda se tentou queimar a bela Mariña; o Penedo da Moura e as ruínas do poboado galaico-romano da Atalaia. Rodeando o castro accederase ao xacemento arqueolóxico do Monte do Señoríño, no que destacan estruturas de época romana talladas na rocha.

SAÍDA

O autobús sairá de diante da Facultade de Formación do Profesorado ás 8.00 h. Faremos unha parada no lugar de Cambeo ás 9:45 horas para recoller ás persoas que veñan desde Compostela ou outros lugares próximos a este punto.

Para poder participar é imprescindible anotarse chamando ao 679113718 ou ao 982240299.

PREZOS

Xeral..... 15 € Estudantes, xubilad@s e
no paro.....12€

Soci@s..... 10 €
Ata Ata 17 anos..... 5 €

Leva roupa e calzado axeitados e comida para o camiño. O bo humor é cousa de tod@s

[ATA O OUTONO!!](#)